

Sanhgyangh Dungcu Hagseng Sujgyaj Nyaengq Hag Goengfou

三江侗娃盛夏学艺忙

7 nyied 31 hauh, Sanhgyangh Ducuz Swciyen Linzhih Yangh Linzhih Gaihdaugawjbanh "Vaiqvued Sujgyaj : Angq Hag Goengfou Dungcu" hozdung, miz 40 lai boubien cungh siujhagseng daj Linzhih, Hozvaz, Cwngzyangz, Gvandung daengj mbanj daeuj haenx doengzcae comz youq, dingj ndat yiengq Yangz Bingzyi gvanbaz dangdieg bae hag boq dig Dungcu, boq venz. Geij bi daeuj, aen yienh neix ciq aen cindi hagdangz, gujlouz, daizheiq daeuj cingjhab boubien dinfwngz ak swhyenz ndawbiengz bonjdieg, cizgiz doicaenh minzczu vwnzva hauej hagdangz, hauej segih, hauej mbanj hozdung, daihlig cienzswnj caeuq hungzyangz Dungcu vwnzva yisuz dijbauj.

(Gungh Bujgangh Banh Bingz/龚普康 潘平)



▲Hwnjdangz.



▲Hagseng nyinhcaen haglien.



►Gyoeb cang.



Sihlinz:

Lwgsau Yungh Sam Bi Seizgan Siuq Mbaw Siuq-cihcib Hunggvangq 《Doz Gimz Geiz Sawveh》

西林:一女子三年绣大型十字绣《琴棋书画图》

"Seizneix gou cingq cagaenj seizgan siuq 《Doz Gimz Geiz Sawveh》" siuqcihcib, lij miz ndwen ndeu couh siuq ndei lo, muengh siuq ndei le gai ndaej gyaqcienz bengz. Sihlinz Yen Gujjang Cin Gujjang Cunh dahsau Veiz Aigyauh baenzneix naeuz.

Fuk doz baengz siuq neix 3.5 mij raez, 1.5 mij gvangq, miz cib lai gaen naek, funghvei ciuhgeq gig haenq, miz gij vwnzva hanzyangj caeuq cingzsi boubien haengj yo haenx, heuh gyaq daih'iek 15 fanh maenz ngaenz.

Gyagoeng siuqcihcib, mboujdanh fungfouq gij cingsaenz vwnzva mehmbwk lajmbanj, caemhcai ndaej hawj ndaw ranz demgya souhauej, youh ndaej youq mwh seizhoengq siuq doz gajmbwq, neix gaenq dwg diuz monzloh ndei gyoengq nungzminz demsou he. Ndaw doz dwg baengz siuqcihcib《Doz Gimz Geiz Sawveh》yaek siuq baenz haenx.

(Nungz Yaujingz/农晓琼)

Gih Raeuz Youq Denzdungh Baeznduj Cuengqingj Bouh Gunghyiz Denyingj Daih'it Louzsim Hensouj Lwgnyez

广西第一部关注留守儿童公益电影在田东首映

7 nyied 31 hauh, gih raeuz bouh gunghyiz denyingj fanjyingj swnghhoz caeuq gyaueyuz seizneix gyoengq lwgnyez hensouj 《Diuzloh Mbouj Bingzciengz》 youq Denzdungh Yen baeznduj cuengqingj.

《Diuzloh Mbouj Bingzciengz》 cit goj neix lwnhgangj le Mungz Gvaghveih caeuq Moz Yilingz song boubien lwgnyez hagseng Baksack lajmbanj aenvih siengjniemh bohme youq rog dajgoeng, song boubien doxcaeuq bae Gvangjdungh ra bohme. Youq gwnz loh bae ra bohme, songde nyangzraen boubien gajdiuq ndeu, boubien gajdiuq neix vih comz ngaenz yw boubien lwgnyez de baenz aizcwng cix siengj caenh banhfap yaeuh vunz aeu cienz, song boubien lwgnyez nyapnyuk dangqmaz. Cingq youq seizhaenx, Dauz lauxsae buekmingh daeuj gouq songde.

Ciuq liujgaj, bouh denyingj neix youq Baksack saeddieg bekingj, caemhcai senj mbanj lwgnyez hensouj daeuj yienjok, denyingj couh yaek youq gaenheiz cunzcet ndaw guek fathengz cuengqingj.

(Lingz Cungh/凌聪)

